

## **PRIJEDLOG**

Na osnovu člana 4. Zakona o prometu nepokretnosti ("Službeni list SR BiH" br. 38/78, 4/89, 29/90, 22/91, 21/92, 17/93 i 18/94), člana 55. Statuta Općine Ilijaš – prečišćeni tekst ("Službene novine Kantona Sarajevo", br. 20/09) i člana 99. Poslovnika o radu Općinskog vijeća ("Službene novine Kantona Sarajevo", br. 2/10), Općinsko vijeće Ilijaš na sjednici održanoj dana \_\_\_\_\_2014. godine donosi

### **O D L U K U**

o prestanku statusa nepokretnosti  
u općoj upotrebi

#### **Član 1.**

Utvrđuje se da je izgubilo status nepokretnosti u općoj upotrebi zemljište označeno kao:

- k.č. br. 584/2 neplodno u površini od 1784 m<sup>2</sup>
- k.č.br. 584/4 neplodno u površini od 688 m<sup>2</sup>
- k.č.br. 565/3 neplodno u površini od 456 m<sup>2</sup>
- k.č.br. 113/16 šuma u površini od 580 m<sup>2</sup>

sve upisane u Iskaz I javno dobro zk.ul.br. 1322 K.O. SP\_Donja Vogošća,

- k.č.br. 1157/4 kanal u površini od 94 m<sup>2</sup> upisane u Iskaz I javno dobro K.O. Podgora.

#### **Član 2.**

U zemljišnim knjigama Općinskog suda u Sarajevu i Visokom brisat će se izvršeni upis zemljišta iz člana 1. ove Odluke kao nekretnine u općoj upotrebi koje su upisane kao nekretnine javno dobro u Iskazu I, a navedeno zemljište će se upisati kao državna svojina u odgovarajući zemljišnoknjižni uložak u kome je upisano zemljište čiji je nosilac prava raspolaganja Federacija Bosne i Hercegovine.

#### **Član 3.**

Ova odluka stupa na snagu danom objavljivanja na oglasnoj ploči Općine Ilijaš a naknadno će se objaviti u "Službenim novinama Kantona Sarajevo".

Broj: \_\_\_\_\_/14/VF

**Predsjedavajući Općinskog vijeća**

Ilijaš, \_\_\_\_\_/14. godine

Damir Filipović, s.r.

## **O b r a z l o ž e n j e**

Pravni osnov za donošenje ove Odluke član 4. Zakona o prometu nepokretnosti ("Službeni list SRBiH", br. 38/78, 4/89, 29/90, 22/91, 21/92, 17/93 i 18/94).

Službi za imovinsko pravne poslove, geodetske poslove i katastar Općine Ilijaš obratio se sa zahtjevom JP Autoceste FBiH d.o.o. Mostar za provođenje rješenja eksproprijacije zemljišta za izgradnju autoceste Sarajevo – Zenica.

U postupku rješavanja ova Služba je utvrdila da se predmetno zemljište nalazi na dionici novoizgrađenog autoputa Sarajevo – Zenica i da je isto upisano u Iskazu I kao javno dobro, te je neophodno donijeti odluku kao u dispozitivu prijedloga odluke.

Shodno gore navedenom Općinski Načelnik Općine Ilijaš predlaže Općinskom vijeću da prihvati ponuđenu Odluku.

Služba za imovinsko pravne poslove,  
geodetske poslove i katastar